

GAIÁS
CIDADE DA
CULTURA

CREAGAIÁS 7X7

CAPTURA A TÚA CREATIVIDADE!

BASES DE PARTICIPACIÓN

Máis información en: www.cidadedacultura.org

ORGANIZA:



CO APOIO DE:



FUNDACIÓN
CIDADE DA CULTURA
DE GALICIA



XUNTA
DE GALICIA

COLABORA:

easd
mestre mateo



Ver
mut
LODEYROS



BASES DE PARTICIPACIÓN CREAGAIÁS 7x7

FICHA DO CERTAME

Promove: Correveydile.

Colabora: Cidade da Cultura de Galicia.

Obxecto da convocatoria: Correveydile, en colaboración coa Fundación Cidade da Cultura de Galicia, convoca a primeira edición dos Premios de Fotografía CREAGAIÁS 7X7 co obxectivo de potenciar a traxectoria de novos talentos no eido da fotografía e de visibilizar ao Centro de Emprendemento Creativo (en adiante CEM) e ás súas empresas, coworkers, proxectos residentes, actividades, instalacións e servizos.

Potenciais participantes: persoas físicas maiores de 18 anos interesadas pola fotografía (non profesionais), a creatividade, a imaxe, o deseño, as artes visuais, os procesos de creación, a comunicación, as RRSS e o emprendemento.

Temática do certame: emprendemento.

Proxecto fotográfico a presentar a concurso: reportaxe fotográfica sobre o día a día dunha das persoas emprendedoras, empresas ou proxectos creativos do CEM relatado a través de sete imaxes representativas da súa cotidianidade profesional e vital.

Custe da inscrición no certame: de balde.

Profesional/ empresa/ proxecto creativo a retratar: a emparellar por orde de preinscrición cun dos fotógrafos/as participantes.

Premio: 1.200€ impostos incluídos e diploma conmemorativo

Preinscricións: cubrindo e enviando o seguinte formulario online para a solicitude de praza no certame.

<https://goo.gl/forms/f015oRfMuNIufKyj2>

Prazos da convocatoria:

- venres 9 de marzo: apertura de preinscricións

-mércores 21 de marzo (23:59h; hora peninsular): peche do prazo de preinscricións.

-martes 3 de abril marzo (23:59h; hora peninsular): peche do prazo de envío de reportaxes fotográficas a concurso.

-venres 13 de abril: comunicación do nome da persoa gañadora e entrega de premios nun acto público con actividades complementarias que se celebrará a partir das 16h na Sala Eisenman da Cidade da Cultura de Galicia.

OBXECTO DA CONVOCATORIA

Correveydile, empresa de xestión cultural especializada no deseño, xestión e produción de iniciativas, accións e proxectos do eido cultural, a comunicación creativa e a dinamización social e cultural, e a Fundación Cidade da Cultura de Galicia, organización cultural que ten por obxecto social “a creación, explotación e promoción de áreas ou centros de conservación, produción, exhibición e consumo cultural, comunicativo e tecnolóxico, que constitúa un espazo multifuncional, multidisciplinar e aglutinador, propicio á interacción cultural” poñen en marcha o certame de fotografía sobre emprendemento creativo CREAGAIÁS 7X7 cos seguintes obxectivos:

-Potenciar e impulsar a visibilidade e carreira profesional de novos talentos no campo da fotografía.

-Visibilizar aos profesionais, empresas e proxectos das industrias culturais residentes no CEM.

-Poñer en valor o traballo dos profesionais do sector cultural e creativo de Galicia e particularmente daqueles residentes no CEM.

-Potenciar o emprendemento e os seus valores.

-Visibilizar as particularidades e especiais condicionantes do traballo emprendedor.

-Dotar de recursos visuais ás empresas das industriais culturais residentes no CEM.

Por todo isto, e en consonancia cos obxectivos inmediatos comúns de ambas organizacións, afíns ao proxecto, fanse públicas as bases de participación para a convocatoria 2018 do Premio CREAGAIÁS 7x7.

CONVOCATORIA

CREAGAIÁS 7x7 é unha iniciativa promovida por Correveydile SL, con CIF: B-70493051 e enderezo no Centro de Emprendemento Creativo da Cidade da Cultura de Galicia ubicado no Monte Gaiás s/n. 15707 (Santiago de Compostela; A Coruña), en colaboración coa Fundación Cidade da Cultura de Galicia, o Centro de Emprendemento e a Xunta de Galicia.

A primeira convocatoria do certame ten por obxecto impulsar a traxectoria de novos fotógrafos e visibilizar os proxectos creativos e o traballo dos profesionais do sector das industrias culturais residentes no CEM (profesionais liberais e persoas dedicadas ao deseño, ilustración, produción, xestión cultural, programación de aplicacións informáticas e de internet etc.), contribuíndo así ao fomento do emprendemento no eido cultural, estimulando a creatividade e divulgando aspectos relacionados coa realidade e especiais condicionantes do traballo emprendedor.

GRATUÍDADE DA INICIATIVA E POTENCIAIS PARTICIPANTES

Poderán participar nesta convocatoria todas aquelas persoas físicas maiores de dezoito anos, que se preinscriban na iniciativa dentro das datas estipuladas, acepten e cumpran co establecido nas bases deste concurso e reciban confirmación de praza por parte da Organización.

Poderán ser, estas persoas, interesadas no campo da fotografía, sexan estudantes, afeccionadas/os ou amateurs; así como tamén persoas interesadas nas artes plásticas e/ou visuais, a imaxe, o deseño, a creatividade, a comunicación, as RRSS ou persoas con interese e/ou vinculación co emprendemento cultural e os procesos de creación.

Non poderán participar os membros da Organización do concurso nin os membros do Xurado (incluíndo aquí os seus familiares ata primeiro grao).

A participación neste concurso é de balde e necesita, de forma obrigatoria, da confirmación de praza por parte Organización trala tramitación da solicitude de preinscrición, así como do emparellamento cun proxecto creativo, empresa ou persoa emprendedora do CEM para a realización das fotografías a presentar a concurso.

NÚMERO DE OBRAS A PRESENTAR, TEMÁTICA DO CONCURSO E CARACTERÍSTICAS DAS IMAXES

Cada autor ou autora poderá presentar a concurso unha reportaxe fotográfica composta por sete fotografías inéditas. Estas sete imaxes poderán ser tomadas por medios analóxicos ou dixitais, cámaras fotográficas ou dispositivos móbiles, realizarse en branco e negro ou cor, e de forma natural ou manipulada.

O tema do concurso será o emprendemento, debendo reflectir cada reportaxe fotográfica o día a día dun persoa emprendedora, empresa ou proxecto creativo do CEM a través de sete imaxes representativas da súa cotidianidade profesional e/ou vital, empregando como localización o Centro de Emprendemento en polo menos tres das fotografías e intentando destacar de forma creativa o valor diferencial de cada proxecto, así como os particulares condicionantes do traballo emprendedor.

Os traballos que presenten algún tipo de marca, copyright ou sinatura que faga referencia á súa autoría non serán admitidas no concurso.

A Organización revisará e analizará todas e cada unha das fotografías enviadas, descartando aquelas que non reúnan un mínimo de calidade, así como aquelas que non respondan á temática do concurso ou ao concepto de diario visual.

PROCESO DE INSCRICIÓN E DINÁMICA DO CONCURSO

- 1) SOLICITUDE DE PREINSCRICIÓN: As persoas interesadas en participar no concurso deberán solicitar praza cubrindo e enviando telemáticamente o seguinte [formulario de preinscrición](https://goo.gl/forms/f015oRfMuNIufKyj2):

<https://goo.gl/forms/f015oRfMuNIufKyj2>

A solicitude é imprescindible para a obtención de praza neste certame e ten por obxecto recoller a intención formal de participar, os datos básicos das persoas interesadas, así como o consentimento coas bases que aquí se detallan. A solicitude de preinscrición neste concurso presentarase vía telemática a través do [presente formulario online](#), que se deberá cubrir totalmente con toda a información solicitada como paso previo á confirmación de praza.

- 2) CONFIRMACIÓN DE PRAZAS: Unha vez recibida a solicitude de preinscrición de cada participante, a Organización revisará os formularios e adxudicará as prazas por orde de inscrición e ata a finalización das vacantes existentes, realizando o emparellamento de cada fotógrafo/a preinscrito/a cunha persoa emprendedora, empresa ou proxecto creativo do CEM. Poderán participar no concurso tanto/as fotógrafo/as como persoas emprendedoras, empresas ou proxectos creativos desexen voluntariamente participar na iniciativa e ser retratados polos aspirantes ao Premio CREAGAIÁS 7X7. Unha vez emparelladas todas as persoas emprendedoras, empresas ou proxectos creativos anotados inicialmente, os fotógrafos/as aos que non se lle adxudicase praza pasarán a formar parte dunha lista de agarda a través da cal poderán ser convocados a participar si se sumaran á iniciativa outros coworkers interesados en ser retratados neste certame.
- 3) ENVÍO DE DOCUMENTACIÓN: Para a adxudicación definitiva das prazas os fotógrafos e fotografías deberán remitir á Organización a seguinte documentación escaneada: copia do DNI ou NIE do solicitante polas dúas caras e ANEXO 1 das bases asinado co aceptamento formal das bases de participación. Os envíos realizaranse a través de enlace para descarga directa a veydile@veydile.com.
- 4) SESIÓN FOTOGRÁFICAS: Unha vez adxudicadas e confirmadas as prazas ás persoas solicitantes, a Organización poñerá en contacto a fotógrafos con emprendedores para que ambas partes establezan comunicación, intercambien información e expectativas, marquen prioridades, contidos e días para as sesións fotográficas, e elaboren libremente a súa axenda dentro dos prazos marcados para a participación no concurso. Unha vez realizados e editados os diarios visuais compostos de sete fotografías, estes deberán ser achegados á maior calidade posible por correo electrónico a través de enlace para descarga directa a veydile@veydile.com antes do martes 3 de abril. As fotografías levarán o nome do autor e o título da imaxe como nome do arquivo. Acompañarán ás fotografías sete fichas do ANEXO 2 das bases cos datos máis salientables das sete imaxes e cunha pequena presentación describindo os aspectos máis salientables do traballo fotográfico desenvolvido.
- 5) SELECCIÓN DO TRABALLO GANADOR: O xurado valorará as reportaxes fotográficas e escollerá unha como gañadora seguindo os criterios destas bases e a adecuación do

diario visual á temática e esencia do concurso. A resolución que deba adoptarse por calquera incidencia non prevista nas bases de participación de CREAGAIÁS 7x7 corresponderá unicamente á Organización, quen resolverá co mellor criterio e procurando o correcto desenvolvemento da iniciativa, sen que proceda recurso algún. Notificada a resolución mediante o correo electrónico indicado na solicitude, a persoa gañadora disporá dun prazo de tres días naturais para aceptar expresamente o premio. De non recibirse dita aceptación, entenderase concedida tacitamente.

6) ENTREGA DO PREMIO: A comunicación e entrega do premio se realizará nun acto público con actividades complementarias o venres 13 de abril de 2018 na Sala Eisenman da Cidade da Cultura de Galicia a partir das 16h.

CONCEPTO DAS IMAXES

Fotógrafos/as e emprendedores/as crearán diarios visuais en imaxe compostos de sete fotografías que plasmarán a cotidianeidade máis representativa de cada profesional, proxecto creativo ou empresa, pensando no futuro uso destas imaxes como fotografías para web e redes sociais que sirvan para visibilizar aos coworkers e o traballo emprendedor.

As fotografías tomadas deberán retratar de forma creativa algunhas das particularidades das rutinas e vida profesional e/ou vital das persoas emprendedoras, empresas ou proxectos creativos do CEM e deberán reflectir ademais algunhas das características e especificidades do traballo emprendedor: confianza no propio proxecto, creatividade, optimismo, autonomía, flexibilidade, resiliencia, empatía, conciliación, apertura de mente, perseverancia, credibilidade, influencia, tolerancia, capacidade de organización, planificación e aprendizaxe continuo, capacidade de liderado e de desenvolver relacións e vínculos coas comunidades, vantaxe competitiva, orientación ao cliente, contacto coa tecnoloxía, capacidade executiva, de comunicación e venda, etc.

Ademais, polo menos tres das sete imaxes que compoñerán cada reportaxe fotográfica deberán empregar como localización o CEM, aparecendo de forma recoñecible nas fotografías algúns dos seus espazos e/ou actividades.

Os traballos fotográficos que se presenten ao certame deberán ser orixinais, inéditos e realizados especificamente para o concurso en complicidade co proxecto emprendedor co que se emparellen. No deseño das sesións fotográficas intentará respectarse de forma fiel a

cotidianeidade das persoas emprendedoras, empresas e proxectos creativos, sendo o retrato natural da súa actividade profesional e vital e o valor e particularidade do traballo emprendedor o trazo esencial da temática de CREAGAIÁS 7X7.

PREMIO

O Certame de Fotografía CREAGAIÁS 7x7 constará dun só premio para o autor ou autora do mellor diario visual sobre unha persoa emprendedora, empresa ou proxecto creativo residente no CEM. Este galardón levará asociado:

- a) UN PREMIO EN METÁLICO DOTADO CON MIL DOUSCENTOS EUROS (1.200,00 € impostos incluídos) para o autor/a da reportaxe fotográfica gañadora. O haber un premio único, no caso de empate entre varias persoas candidatas, o galardón en metálico repartirase entre os gañadores/as.
- b) DIPLOMA ACREDITATIVO.
- c) EXHIBICIÓN DE TRABALLOS: Posibilidade de amosar pezas/ creacións/ produtos promocionais da persoa gañadora no escarapate/showroom do CEM.

FORMA DE PRESENTACIÓN DO PROXECTO FOTOGRÁFICO

As fotografías se enviarán en formato JPEG con 150 puntos por polgada a tamaño final, 2.500 píxeles e unha resolución de 300 ppp. Cada imaxe estará gardada co nome do autor e o título da fotografía como nome do arquivo.

As obras presentadas ao certame deberán ir acompañadas do ANEXO 2 destas bases: unha ficha por imaxe que as identifique e onde se detalle o autor/a, emprendedor/empresas ou proxecto creativo retratado, título da obra, indicacións do lugar onde foi tomada, a data na que se realizou, as técnicas empregadas e, se o/a autor/a o considera preciso, indicará a verticalidade ou horizontalidade da imaxe fotográfica así como unha pequena xustificación e descrición da fotografía e o seu proceso creativo.

Estas sete imaxes coas súas correspondentes fichas enviaranse por correo electrónico a veydile@veydile.com a través dun enlace para descarga directa antes do martes 3 de abril.

COMPOSICIÓN DO XURADO

Para a valoración das reportaxes fotográficas que se presenten constituirase unha comisión de valoración formada por:

- Dous representantes da Fundación Cidade da Cultura, actuando un deles como presidente da Comisión.
- Dous profesionais vinculadas ao ámbito da fotografía e/ ou da imaxe.
- Unha persoa representante dun centro formativo na disciplina de fotografía.
- Unha persoa representante de Correveydile.

Ao xurado correspóndelle deliberar, estimar e valorar os traballos presentados. A súa decisión será inapelable e adoptarase por maioría simple de entre os seus membros. Os membros do xurado de CREAGAIÁS 7x7 terán a competencia de resolver calquera circunstancia non prevista nas presentes bases con absoluta autoridade e tomará a súa decisión en base aos seguintes criterios a hora de determinar o diario visual gañador do Premios CREAGAIÁS 7X7:

- Creatividade e calidade da reportaxe fotográfica presentada. Valorarase a frescura e a orixinalidade no diario visual, así como a innovación e calidade técnica e conceptual das fotografías presentadas.
- A visibilización e posta en valor do traballo do profesional ou empresa emprendedora, así como a captación das especificidades da súas rutinas de xeito natural, crible e fidedigno respecto ao día a día do emprendedor ou empresa en cuestión.
- A mensaxe das fotografías así como os valores representados.
- O achegamento e a empatía no punto de vista respecto do traballo e vida das persoas profesionais das industriais culturais en particular e do traballo emprendedor en xeral.
- A diversidade no conxunto das fotografías.
- A visibilización do Centro de Emprendemento Creativo da Cidade da Cultura de Galicia de forma recoñecible como mínimo en tres fotografías.
- A adecuación das fotografías ás necesidades de visibilización dos emprendedores nas redes sociais e na web.

CONSENTIMENTOS E AUTORIZACIONES. OBRIGAS DAS PERSOAS

PARTICIPANTES

A tramitación do procedemento require a incorporación de datos en poder da Organización. Por tanto, os modelos de solicitude incluírán autorizacións expresas ao órgano xestor para realizar as comprobacións oportunas que acrediten a veracidade dos datos.

Obrigas dos solicitantes:

- Coa solicitude de preinscrición acéptanse as bases dos premios.
- A organización poderá difundir as características xerais das proxectos que se presentaran e, no seu momento, o nome da persoa gañadora e dos demais participantes.
- A Organización poderá difundir a condición de beneficiario do galardoador.

DEREITOS SOBRE AS FOTOGRAFÍAS A CONCURSO

O feito de participar no certame CREAGAIÁS 7x7 presupón que os/as autores/as das fotografías están en posesión do Copyright das imaxes que presentan e, en consecuencia, ostentan en exclusividade os dereitos de autoría e imaxe, polo que queda eximida a Organización do certame de calquera conflito de publicación ou utilización das obras presentadas e dos que puidera derivarse.

El participante manifesta e garantiza así que é o único autor das/s fotografía/s é titular de todos os dereitos de autor sobre as fotografía/s que presenta ao concurso. Así mesmo, será responsabilidade do participante recabar a autorización das persoas que puideran aparecer en cada fotografía, para a efectiva actividade que se convoca, a menos que dita fotografía teña sido tomada nun sitio público e na forma legalmente establecida, asumindo toda reclamación por dereitos de imaxe. O mesmo caso no que se refire a localizacións ou obras de arte que puideran aparecer nas fotografías e para as que, de cara a súa captación, o fotógrafo deberá conseguir autorización expresa no caso de tratarse de espazos/obras de titularidade privada.

Os/as participantes fanse plenamente responsables do contido das fotografías con total indemnidade da Organización do concurso.

Os/as autores/as das fotografías que se presenten a concurso ceden á Organización os dereitos de comunicación pública e reprodución das imaxes e tamén dos textos que as acompañen, renunciando a calquera remuneración en favor da visibilidade do seu traballo. A Organización, os/as autores/as e as persoas emprendedoras, empresas e proxectos creativos retratados poderán empregar as fotografías, gañadoras ou non, en redes sociais, web e publicacións gratuítas, proxectos de promoción cultural tales como reprodución, impresión, publicación, proxección, exposición e outra difusión que a Organización (Correveyile e Fundación Cidade da Cultura) considere pertinente, así como noutras actividades e accións informativas, divulgativas e/ou promocionais relacionadas co certame CREAGAIÁS e co propio CEM e a Cidade da Cultura de Galicia, coa condición de facer constar a autoría destas, o concurso para o que foron creadas, así como a calidade de gañadora no caso das fotografías pertencentes ao diario visual galardoado durante un prazo de dous anos a contar dende o 13 de abril de 2018 (a excepción das fotografías publicadas en web e redes sociais que non terán que eliminarse pasado este tempo), sen que estes usos se poidan entender como vulneración dos dereitos.

A cesión de ditos dereitos permitirá á Organización transformar as obras tecnicamente na medida en que isto sexa necesario para adecualas ao formato, imaxe ou aparencia de Internet ou a calquera outra tecnoloxía susceptible de adscrición a Internet, como tamén reproducilas nos soportes físicos que se estime conveniente. Todas as fotografías presentadas ao concurso quedarán en propiedade da Organización, cedendo os autores destas fotografías os dereitos totais de exhibición e reprodución das obras aínda que conservando a posibilidade de poder empregar as imaxes.

Non obstante todo o anterior os autores conservan os seus Dereitos de Propiedade Intelectual e se responsabilizan do cumprimento das disposicións legais en material de dita lei e do dereito á propia imaxe, sendo responsables por que a difusión, reprodución ou edición da obra no marco do presente concurso non lesione o dereito algún de terceiros.

Calquera utilización, alteración ou transformación das obras que non estea especificado nas bases deberá contar coa autorización expresa do autor.

No caso de que o premio se declarase deserto as fotografías serán borradas non podendo ser empregadas baixo ningún concepto.

PROTECCIÓN DE DATOS DE CARÁCTER PERSOAL

En cumprimento do disposto no artigo 5 da Lei Orgánica 15/1999, do 13 de decembro, de protección de datos de carácter persoal, infórmase de que os datos persoais que se faciliten no formulario de preinscrición quedarán rexistrados nun ficheiro de titularidade de Correveydile, cuxa finalidade é a xestión e rexistro deste certame. A persoa interesada poderá exercer os dereitos de acceso, rectificación, cancelación e oposición ante Correveydile, mediante o envío dun correo electrónico a veydile@veydile.com.

RESPONSABILIDADE DA ORGANIZACIÓN

A Organización resérvase o dereito de acortar, prorrogar, modificar ou cancelar este concurso se así o estimase conveniente, se ocorresen supostos especiais no que se dificulte a realización do mesmo, ou se concorreran circunstancias excepcionais que impidiran a súa realización.

Igualmente a Organización resérvase o dereito de eliminar as fotos ou comentarios que non se adecúen coa filosofía da iniciativa ou que se consideren ofensivos.

Non se responsabilizará polas afirmacións que se fagan a través da rede social terceiras persoas podendo levar a cabo as actuacións xudiciais que crea pertinentes contra as mesmas. Tampouco se responsabiliza dos danos ou prexuízos que puideran ocorrer cando o/a gañadora disfrute do premio.

MÁIS INFORMACIÓN

veydile@veydile.com

606 955 797

www.cidadedacultura.org

online@cidadedacultura.org